


野談
四



青邱野談卷之四

責荆妻清士化隣氓

古有一村漢以農為業秋多積穀而性甚不潔輒有
手荒之病殆四隣之所共知隣居一而班以讀書清
貧之士四壁徒立尋常屢空而時當仲秋艱食又倍
所謂家產盡入於斤賣糊口之資所餘只一食鼎而
絕火亦屢月矣一日厥漢欲盜其食鼎而乘夜窺之
則其宅夫人方舉火於厨烹煮作粥久而後遂用大
小二碗先盛於大碗小碗則盛以餘汁未半而置於
土鏗之上以破瓢覆之奉大碗出進於士人士人方

耐飢讀書之時忽見貧妻進粥驚問作粥之資出於
何處妻荅曰適得五合米作粥矣士人曰吾家五合
米不啻如玉出於何處其妻滿面羞澀不能即對士
人苦問曰不知其出處則吾必不食其妻熟知其士
人之固執不得已直告曰門前某漢之畱早稻向黃
投餓者人定後手折其穗一握炒之得五合之米作
粥以來而此出於石、不獲已慚愧何言日浚當縫
給厥漢之衣遂言其由不取其價則今夜不義之罪
或可少贖幸下筋之千萬仰祝士人作色大叱曰天生
萬民必食其力士農工賈各有其職矣彼漢之粒、

辛苦何閑於讀書士飢不飢而夫人不潔之行一至
於此不勝寒心不可不一撻誠之斯速折楚來也其
妻不敢違越如教折來遂撻之三楚叱退粥梳使之
桑地夫人不敢違越並鏹上梳桑於屏處入房內硬
咽泣下蓋某漢之番即來以窺伺者所耕作也厥漢
備見首末不勝感服良心油然而感發平生不廉之習
全然消磨即還其家即使其妻出所收農穀中玉米
數升爛二梳粥親手奉往進之於士人士人驚怪曰
深夜饋粥甚是意外而無名之粥豈可食之固退不
受厥漢遂跪告曰小人俄以穿窬之行窺見生負玉

處分若是光明正大小人即地感化大覺前非今以
清明秉彞之心持粥物以來幸俯察情由勿以舊小
人視之千万幸甚况此梳所需實非穢物出自農穀
小人豈敢以不潔之物曉於孤竹君宅乎因匍匐叩
頭至誠勸進士人以為彼雖不良之人今見舉動其
革心可賞彼既以清白良民饋貧士王粥出於改過
之善心而牢拒不受則沮其為善之路便同於陵之
節矣遂取飲之厥漢遂以一跪進入於內堂自此以
後厥漢心悅誠服畢竟徙家於厥班宅廊下遂作無
文書奴子扶護上典耕田刈柴曲盡其誠其班家勢

亦稍、饒勝云

治牛商貧僧逢明府

山僧之織屨業生者以買麻次帶二兩銅往清州市
路中忽得一綑索、中有二十兩錢僧以為赴市者
遺失背負往市而渠麻價二兩亦添入於索中留付
於知面飲食廛周行市中將為廬探其失錢者以給
矣俄而牛商一人語其同類曰我以四十金本錢將
買二牛而一隻則先買於某市一隻則欲買於此市
今晚自某店暝發而二十金餘錢則付於牛背矣今
到市門始覺見失未知落於何處而歸市者不止未

知得之者何人其將問於何人仍問然盛顗僧知其
為錢主也遂問錢數則曰二十兩也問其所藏則曰
繩網索也僧遂與之偕往於所留之廬遽以網索出
付於牛商而出其二兩曰此則小僧之麻價也只以
元錢二十兩還給牛商詳計二十之數而忽為變辭
曰厥銅二兩亦吾物也俄者只以牛價二十兩為言
而布價二兩則忘未及之固執不捨僧曰此小僧之麻
價也小僧苟有食錢之心則不何食二十兩只以二
兩銅生德耶峭官主俄者明白言二十兩見失而今
見小僧麻價銅二兩忽然變辭以布價錢加入而忘

却云者其可成說乎山僧則本無黑心收拾在道之物而還給於不覓之地哨官以不良之計發之為不成之說以山僧麻價之一時借添謂之以自家布價之加入有此橫勒之舉滿場所視能不愧顏牛商曰俄以二十兩發言者只為牛價之重大舉大數並有之發而至於布價以此少追入之物全然忘却於遑忽及見加數始乃覺之寧有天下賤漢既索牛價於生佛之人而又棄可憐之物將作已有耶豈以忘却於遑忙之故仍為見失其丁寧之物耶衆人所見僧商兩言俱為成說人不能可否遂同入卡官、是洪

侯養默也兩造對牒各陳其由官聽罷先諭牛商曰
汝矣所失明是二十二兩而僧之所得不過二十兩
則汝矣所失二十二兩銅必為他人之拾而僧之所
得非汝之物是如汝其廣求得汝錢者詳檢其數之
為二十二兩然後推取是遣次諭山僧曰汝矣所得
段明是二十兩而彼之所失段為二十二兩云則汝
矣所得二十兩銅必是他人之失彼商之所失非汝
之失是如汝亦廣問其真箇錢主詳檢其數之為二
十兩訖然後出給之意今付退出決訟之後兩隻偕
出市中牛商則垂頭無言有若喪魂之人而僧則大

言曰官決如是所得二十兩宜乎不給然以山僧所
見錢主要不出彼豈有釋伽弟子取人不當之物哉
遂許與牛商曰此後則革懷心法勿以山僧之孤弱
施之以違格政事也一市人孰不讚襄山僧之潔白
哉可謂有是僧有是官

劫舊主叛奴受刑

京居一班推奴於遐方而與其本官為平生親友坐
於衙中考閱帳籍奴甚繁盛至於百餘口而箇一饒
居以官威捉來其居首十餘漢沒捧男女花名定贖
半金以一句為限而厥奴輩小無咎怨之色以實情

告其上典曰奴主即父子也小人先世非敢請主出
年漂泊轉到于此生子生女有孫及曾今至為百餘
口而特蒙上典主垂恤之澤利於興敗得於作農遂
為饒民而常念父祖遺來之言則以某宅轎前婢流
落他鄉內外諸孫今此許多而阻隔上典宅問安已
為幾許年云者歷歷如昨日之聞今者上典主下臨實
若父母之復見雖有官供在小人情理豈不欲躬自
奉供乎伏乞行次於小人之家以叙小人輩情理惶
恐幸甚且相距不過一舍六足之勞不費半日矣上
典然之明日往為老奴數十輩等候於中路馬頭羅

拜前後擁護直抵奴家內外大門及家舍皆雄偉洞
中無他人家奴輩族戚自作一大村矣遂迎坐於堂
上進以大茶啖男女奴僕一齊現身其麗無慮三四
百口而其中貧不應贖願從為奴者亦近數十家厥
上曲日飽酒肉放心閑卧將近一旬明即收贖定日
也是夜四更量數百名健奴圍其上曲所在房前後
十匝又壯丁數十名擁入房中執捉上曲拔劍脅之
曰急已作簡於宦家而以家有緊故未能躬辭自此
徑歸之意措語可也不然則命懸此劍其中又有略
解文字者臨書見之實無變通之路以姑息之計不

得不從其言裁書而至名字則彼所不知年月之下
書以徽欽頓即為封緘傳授厥輩厥漢送其黨中一
人飛奔呈官。開封見之至年月下徽欽頓三字大
吐疑訝尋思良久忽然覺得蓋徽欽即趙宋二帝而
被拘於虜中者也意其班見辱於厥漢輩遂枷囚來
漢大發校卒急往某里一邊奉其行次還衙一邊以
奴為名者無論老少沒數縛來事嚴飭出送校卒輩
飛劉其家其行次果然見縛於首奴之家而一隊壯
丁圍匝門庭矣校卒急解厥班之縛騎馬送官且厥
叔輩一併結縛驅入於官庭厥輩中造謀首犯者校

舉報營新以一律其餘衆漢從輕重一嚴治厥班
則給馬還京厥收輦家產沒數訖上并為駟送於厥
班行中

逢凡商窮儒免死

湖南有一生負早喪父母既無兄弟族戚中年喪妻
又無一子女家素貧窮叔水難繼實無生世之况輒
欲自處而亦不得其路適其時一惡雌虎自俗離山
出來藏伏於長城葛時白晝橫行噬人如瓜行人之
斷絕已有月矣生負聞之以為得其死所遂妻行嶺
下待昏上嶺峭嶺之高蓋三十里長矣巖石危險樹

木蒙密可謂蜀道之難羊腸之險矣至于最上峭伸
脚而坐以待虎狼之來噬忽有一丈夫背負如山之
擔行至上峭猝見生負之獨坐卸擔於路左欣然納
拜慇懃告之曰小人所負之物即鐵丸也以山物之
殺害人命業欲除之今持鐵丸路適出此故遂卜其
夜以至於此計在碎其頭折其腰以為行人除害
之地而即見生負主深夜獨坐於此其意亦先獲小
人之心也以小人獨力實亦無難而况與生負主并
力則彼物無異枯鼠腐雛小人當如此如此生負亦
如此、生負唐荒末即對厥商手拔石角上一圍

木飛上於上峯之絕頂揮打而下聲震天地生負心
語曰彼雖謂我有力與之同事而我則本無力以窮
獨身去竇欲啖死於席口者也是以小無恐却泰然
坐待矣少頃果有一豹席大驚揮木之聲勃然而起跳
越林木奔馳絕壁鷹騰箭疾一瞥之間已至於相見
之地以其直項之獸駭之於走坂之急觸之於大木
連理之間以脅之下尻之上牢碍於兩木之間進不
得退不得兼以孕雛腸滿又不得自拔生負之本意
實欲噬之於席口何畏之有遂徐徐前進撫其頭探
其鬚視若愛玩之物其席低眉細目不敢拒逆有若乞

憐者然生負遂百方摩撫或以頰接之或以頭納之
欲其噓之千方百政而終不敢害之於是生負多折
葛蔓作一索大如棟結之為勒加之於首以一股之
大鉗之繫之於木遂舉其席拔之於兩木之間移繫
於他木而席則失魂喪魄圍之若牢死樣生負則坐
於席口下矣彼九商俄自山上只見生負緩之牽虎
之行而兩木間事未及見之忙之下來更為納拜曰
固已知生負主無慮一席而至於勒生席之首鉗生
虎之口可謂古文無今文無小人所負亦鐵死四十
斗而比之於生負主不啻三尺之童可不惧哉遂殺

席剥皮加之於九擔之上與兩班同為下來坐於店
幕烹席釀酒終夜酬酢至朝醺酒作別以席皮獻與
生負生負牢拒之九商自帑中出十金銅納之生負
遂強取其半乃作別九商大悵之幾為落淚生負以
五百銅歸來破屋去益悲楚生而辱不如死而榮而
葛嶺惡席之事思之甚怪無福者可謂鷄卵有骨窮
命所關死亦極難一日偶閱家中得一文記蓋有先
代逃亡之婢盤居於靈光法聖島生產繁夥多至百
餘家而自生負數世之前雖有推贖之計以彼強盛
畏不敢發生負以為快得死所翌朝袖携本文記以

單獨一身飄然發程第幾日訪之法聖之島則厥奴
富盛果如所聞直到其居首者家即以文券出示大
發吃喝督之以五千兩收贖急於星火期於三日內
捧納遑忙之舉號令之急便一狂人被羣赤伴應如
流而中心所藏人孰知之第三日生負獨坐忽聞外
間人聲誼有五六十壯丁各持一棒圍匝所居房
鐵桶相似觀其事機及形已具然而求死一念寤寐
恒結而每恨未得其便今當此境可酬宿願有何懼
劫明燭而坐苦待其變矣少頃一丈夫開戶將入忽
然退縮欣然納拜曰生負主來數生負驚問曰汝是

誰也厥漢曰葛嶺上一夜同苦遽過三年之久生負
主或者不識小人而小人則豈忘生負主顏面耶急
招其圍匪者大言曰汝輩速待命也苟不要我汝
輩必無子遺仍以葛嶺提席事細述首尾羣奴一時
戰栗厥漢遂詳告生負曰彼輩以海島化外之物不
識綱常之重故有叵測之謀要小人於百里之外而
小人亦誤入人事有此今行彼輩刃斬之罪已無可
論而小人之罪尤極當斬然而生負主以恢廓大度
何足有介於禽獸無異之物耶五千金寶無變通而
傾渠之者則二千兩無難小人當親自收集願納於

宅矣即其地董飭羣奴五日後收得二千金駝之於
十餘匹健馬一時治裝兩班則騎之以別般好鞍馬
厥漢為騶率之領袖執鞭護後而來納於生負主宅
明日再拜惜別而去生負遂以二千金物娶妻定家
堂買土得產業俾為一富家而八子三女世世繁衍
至今族居於虞風洞云

信卜說潮儒擇香

湖南士人李基敬科儒之寶才也屢舉不中而必欲
得之盡賣田土決得失於一舉趣名卜而叩之卜者
曰今行有死之厄若不死則可以決科李也固問其

免死之道卜者曰道中如逢素服女人必得此女可
以免死李也發行上京行幾日大川當前川邊垂楊
之下有女泮泮傍有美少婦女素服而立望見前路
有人騎馬而來遂回身而走李也見之心異之緩驅
而追踵之素服者入于一家大門中又趨入馬繫馬
於門外堂而拜主人主人白髮老翁也李曰今此科
行路費斷絕無以宿旅店願就高庄借一宿焉老人
欣然許之喚奴子具夕飯馬繫于槽而喂之李生幸
宿焉環視其家内外牆垣極其高峻除非身具羽翼
難以踰越計不知所出達夜不得寐窓已曙矣心生一

計託病而卧日已高而不發生翁扶杖而來見李也
詐作呻吟之聲主翁問之以好言慰之曰病狀如此
難以前進逆旅荒疎不可調病吾家不貧加留數日
益加調護小勿為嫌李也雖幸加留一日竟畧尋思
不得其策日繞幕內中門已嚴鎖矣夜起彷徨周視
牆底則內厩板牆下有小竇者可容身遂匍匐延頸
內頭左右攔那艱辛而入則西房之內燈光明晃婦
人讀書之聲琅琅東房雖有燈火寂無人聲潛進窺
下指頭點唾鑽穴而窺之則壁下設素衾枕果無人
為意此必是素服女之房輕身上廳暗々開門而入

吹滅燈火潛伏房之一隅良久讀書之聲訖其婦人
轉向東房而來開門却立曰此火何故自滅也多添
燈油可以久存者何故無端自滅連聲怪哉怪哉童
婢某也為渠母祭出送矣送之誠不思矣似有疑懼
之意旋即入來坐於鋪枕之上少頃即解衣開衾將
欲就睡李也乃於口中微微作聲曰願夫人活我夫
人方疑懼之次忽聞男子之聲乃大驚擁衾而坐亦
低聲問之曰汝是何人李也曰我即外舍留宿之客
也女人曰汝以何心深夜密室之中潛身入來也李
也始述赴舉之路問於卜者謂以今行如得素服女

人則必當決科不然則必死我以決科之愆且為圖
生之計今夜冒死入來其生其死惟在夫人之一言惟
夫人活我其女聞之默然無語良久長吁一聲乃曰
吾於昨日心懷鬱寂欲觀婢女輩之泝泝暫出川邊
不意逢着客至此亦天生緣分也人之生死亦繫天
命何得輕死遂許同枕且曰吾夜間之夢黃龍屈盤
於脰腹之上今番應舉必得大闡榮歸之路幸勿棄
我必率我而去李生許諾雲雨既畢潛身出去睡一場
天已曙矣老翁又扶杖而來辛勤問病李生曰幸蒙
主翁之恩兩日調治病氣已瘳今可發行矣遂辭老

翁上京觀光果得寬捷三日遊街將還湖南其女人
頻問其舅曰今者之科誰某得叅老翁歷數之李生
果叅其中女人大喜之新製華衣一襲大設宴具日
送人於街路上探問湖南新恩下來之期一日果逢
其行使人請入主翁先致賀語少頃夫人脫去素衣
換着華服自內出來再拜見舅且請罪曰媳婦奉養
舅主以待百年後事乃大謬到此地境因細述其由
初逢着李生毀節相約之事滿斟一盃跪進之曰媳
婦從此辭矣願尊舅進此盃壽齊南山遂再拜辭退
備待轎子與李生一齊并發將朝將朔偕歸其家李

生其後官至二品

聽妓語悖子登第

昔一宰相為平安監司有小子年十三美容顏多才
藝其父偏愛之營妓中有與之同年者亦有才色使
入居子舍以供文墨之戲踰年相與交合情愛甚密
及其父瓜歸不忍相離相與握手涕泣而別上京後
其父以家中多撓難以專工農書祇送山寺讀書留
數月思想厥妓不能忍住一日忽單身逃出向關西
而是到平壤尋訪厥妓之家厥妓則不在只有其母
初不相識乃自言其誰某而問其女何在則其母曰

女也方為使道隨廳使道偏寵之暫時不許出今雖
遠來無以得見矣生聞之殊甚落膽妓母曰今既遠
來姑留數日不如還歸去也生曰千里跋涉不得一
面無端空歸不如不來請媼為我設計俾得一見面
則吾之願畢矣時當冬序厥媼曰若營中雨雪則城
內諸民入去掃雪其時或可混村民輦掃雪之行僥
倖見一面乎生然之姑從其言待之矣忽一夜大雪營
底民人盡入掃雪生頭戴箬笠腰束葉索手持一帚
混入營中意不在掃雪而只頻頻舉箬笠而瞻望堂
上時隨廳妓輦出而觀玩見其舉止緩慢相與指笑

之生舉頭一瞻瞥見厥妓亦在其中厥妓亦一見而
旋即回身入去更不出來生長嘆而歸語妓母曰我
則不能忘情徒步下來而渠則一見回避不得更見
何其無情之若是相與嗟嘆轉輾不寐時雪月照耀
北風寒冽忽聞歌聲自遠而近歌曰雪晴雲散北風
寒楚水吳山道路難聲音清絕婀娜轉向其家而來
入門而呼其母曰某書房來而見在何處生聞之推
戶躍出乃厥妓也遂携手入室叙其相思之情慰其
遠來之意且曰吾為使道近幸之妓頃刻不得暫離
而既知書房主之來安得不一番相見乎吾詐稱亡

父之祭恩乞一夕之暇天明則復當入去矣兩情相
會只今夜而已此後雖或復來更無相面之路豈非
可恨不如從此潛逃永遂于飛之願不亦樂乎生荅
曰好笑汝言誠是矣厥妓遂遍搜箱篋持其銀金寶
貝簪珥之屬綾羅錦繡衣裳之類裹作輕任不告其
母遂與生夜半逃出遂向殷山地買小屋而居之賣
輕裝而資生為一日妓謂生曰吾輩逃命在此雖幸
遂願不可永作此狀況書房主以宰相宅貴重之子
不勝一賤妓溺愛之情不顧父母亡匿此土其為得
罪於倫紀者多矣將何以自立乎生聞其言始乃瞿

然大悟曰然則為之奈何妓曰惟有科舉一路可以
贖罪書房主前日未讀者何書耶遂購其書以來勸
使讀之若少惰則必減其膳而苦勸之晝夜不暫息
又遍求他書如是數年妓謂生曰書房主自量腹中
之物如何今始可以做科工矣生曰雖欲做之不知
科文程式奈何妓乃遍求邑中善文者之所作及近
年科場之文使依倣做之生本有才華又數年勤讀
文勢日進所做諸篇無非佳作又使之膳出數木試
考於善文者莫不稱讚妓曰今則庶可觀科乎生曰
可矣適有大比之科妓乃優借資裝以送生遂上京

住於旅舍科日曉頭隨諸生入塲望見懸題操紙筆
立書而呈即一天也其父適以命官擢其文為第一
上覽之亦加稱讚御手圻秘封乃是名不知而觀其
父名則即是命官也 上顧命官曰卿之子登第矣
投示其券命官取而視之則父名則雖同而職啣則
云是前平安監司也見訖泫然流涕 上怪問之命
官起伏對曰臣果有子而死已十年矣誠不知此何
人也遂命呼名召上進伏榻前而親問之生自初至
終詳細一一直奏命官亦在傍聽始知其子之不死
矣 上大奇異之特命賜樂使命官前率歸家行會

本道本色治送厥收乘轎上來永作小室焉

被室謫露真齋祈簡

廣州一措大不文不武地卑家貧不能力農以內助
支過而以若干世誼戚誼之在京三十年出沒洛下
而以人望才華之一無可取不得結交於一箇官人
其妻訕之曰士子之遊京者居半以著實工夫賭取
科官之地否則納交於利勢之家以為依托之地而
至若夫子則既無文字科官非所可論三十年洛下
宜有一箇情交未嘗有一張存問妾心疑怪無或酒
色之沈惑耶雜技之外入耶措大實恥其言之有理

而無辭可答。沉吟良久，乃瞞答曰：「吾非病風之人。三十年遊洛，豈徒然哉？果有某姓某人，自少親密而因我窮困，恒曰：『若為西伯，則給我一家產云。』其人再昨年登科，今為應教。吾之上京，必留是人之家，早晚必得其力矣。其夫人聞之，每於朔望用醵祝天，以某人為西伯。每問某人之陞品與否，其夫則每以尚遠諉之。過六七年後，適因親黨之來，往得聞某人之為西伯，而措大時適上京矣，待其還跣足出迎，曰：『某官令為西伯云。』何不往見，須以明日發行。措大聞之，不勝悶迫。乃佯曰：『到任屬耳。』稍俟後日，何用躁？妻信。

之過三朝後其妻促之曰何不往也曰無馬也已得
贖馬則曰身病也其妻曰然則須送人也曰誰為我
作千里之行乎妻曰已約某隣之某漢盤纏亦已備
置矣措大悶甚亦語以無簡其妻乃以一大簡授之
措大東推西托百般圖避而無可奈何乃終夜籌思
遂冒沒裁一簡皮封曰箕箒節下執事入納露真
齋上候書裏面曰云々小生以迂怪儒生畸窮所迫
不辨雲泥有隔敢此修候於素昧宰相未知台監訝
惑何如實狀載胎錄下諒伏望別紙云小生以迂濶
身在散漫持心少失文學世乏產業無之不緊出入

遨遊京洛殘盃冷飯不嫌苟且一年二年如此如彼零
星妻子歸之於秦越之視如千稼穡屬之於芭蘿之
邊鄉黨賤棄親戚排擯只賴室人賢哲祭祀之奉子
女之育猶以成樣所謂家長有若無矣如是者三十
年予茲笑一日室人以小生之積年遊京不得一長
者交遊每致嘖言雖以婦人之言實無可答閣下自
儒時地閤文望必將大做故遂舉閣下之名飾辭以
慰妻曰某人實與我膠漆而且有丁寧之約曰若為
西伯則惠以一庄壑云云以此瞞之此蓋六七年前
事也實出於一時彌縫之計而老妻則認為真談信

之無類一自其後鬻飯之祝沐髮之禱皆願某人之
為西伯自執事登科以後精誠愈勤企待愈切每問
某大人今至何官生之於執事實無半面之雅而惟
恐前言之歸虛以去年某官今年某資一、答之有
若真箇親密者然頃者因其親族遂聞台監之出按
西伯要使小生親往乞馭小生之煩惱當如何哉托
以無馬則借馬以待之托以身病則雇人以送之甚
至托以無簡則出一大簡與之到此情地一倍增隘
誠欲中止則前言之虛妄綻露且欲修書則台監之
素昧何哉小生今以迫隘悶惱之意不得已悉暴顯

未惟執事哀憐之諒恕之書畢授之內君內君即招
隣漢計給盤纏即地起送厥漢到平壤營門洞開納
上書簡巡相圻見再三循環蓋西伯自玉堂之後每
以朔望夢至一家見一班家夫人精潔沐浴清水甃
餅合手祝天曰使某人為平安監司云某人即自家
姓名也心甚怪之不識其故矣今見此書與夢兆符
合恍然大覺一是情地可憐一是精誠可感遂招來
奴近前其宅生涯之如何疾病之有無兒稚之長養
條々下問一一詳探真若竹馬故舊揉其奴之心亦
曰某生負主果有京洛好親友矣雖窮居鄉曲豈不

可畏哉。廵相使其奴留之下，餽以盛饌。過二日，廵相招厥漢曰：「汝宅生負主果，是慈竹之交，宜有財物之惠，而以汝卜重，不得付送。」當自營欺送，而汝之生負主偏嗜藥果，故今以一櫝送之。汝其視之，使之開，蓋果油蜜果也。遂掩蓋，裹以油紙，結以細繩，封而踏印。且問來奴之有父母，以二十五大藥果，別裹以給。使歸，遺其父母，厚給盤纏，並書札出付，使之促還。其奴歸，期漸近，夫人懸望甚切，而措大則以其所為虛無，孟浪憂患，万端便成不病之病。一日，妻忙告之曰：「某奴歸矣。」斯頃之頃，近至柴門之外，老妻出立軒外。

而措大則不敢開戶穴隙窺之厥漢果為入來而背
上有封物所負方在疑信之際厥漢納拜內庭夫人
先慰行役之無事次問所負何物忙索荅札與之措
大皮封曰露真齋執事回納其怕謝狀裏面曰遠承
徵者披閱如對矧審動止一享佳勝弟蒞任屬耳公
務多端挽恤何言關河千里雖難枉臨第待日後即
臨京第則實多長語之可叙不借藥果一積伴呈措
大、發生氣魏、以士大夫氣像自處推憲起坐呼
來奴曰遠涉千里其勞良苦厥漢曰幸蒙下念無事
往還何敢言勞且蒙使道寬厚豈有小人毋藥果之

饋莫非生負主德澤遂以使道分付之如是接待之若
此一塲仰白以別裏藥果出饋其父母兩班之生色
大矣措大遂入內解橫出一立喫之此是平生初喫
之物也夫婦相顧稱其味異常次一捲之則藥果不
過二重而橫中又有中層邊有一指可容之穴開之
則實以天銀子一斗計其直過萬金有餘措大夫婦
大驚喜不覺踴身三丈措大遂賣銀買土至為廣州
甲富云

訟夫錦城女擊鼓

羅州有一士人家貧無婢自樹農業而其妻與女

亦尋常與鄉人無內外之別門前有菜田數畝其女
子年則過笄而手自鋤菜其隣又有常漢之田厥漢
亦同時鋤菜以微言侵侮其處女。怒曰我則兩
班汝則常漢何敢侵侮我手厥漢曰如汝兩班吾家
廳底井之多矣處女忿怒即還其家飲溲水而死其
父發告以常漢逼殺其女之罪誣訴官家自官捉致
厥漢嚴治牢囚勒捧拷者而月三同推厥漢痛其非
辜因在獄中日夜涕泣兩目俱盲其妻東西求乞以
資獄供更無以繼給之遂盡賣家產辦得數貫淫給
其夫曰吾今力盡無以相資艱得二貫以來方將上

京欲擊申聞鼓其間湏以此錢繼命慎無死也必待
吾還也遂相持痛哭而別轉乞食達于京師時慶
熙宮為時御所尋至闕下為路傍酒家之傭雇為人
誠慤勤實每事稱意其酒家甚喜之一日謂酒家老
媪曰吾聞申聞鼓在闕中有冤者擊之云何由得一
擊也主媪曰汝有何冤而欲擊之耶其媪乃細述顛
末仍悲泣不自勝主媪憐之因禁中卒隸之來飲酒
者借述此媪冤苦之狀使之周旋得以一擊厥媪遂
入擊之闕內驚撓捉送厥媪于秋曹使之捧供以入
刑曹吏輦聞之亦冤其事而哀其情善述原情而奏

之上覽之大加歎賞命差御史往審理之刑曹聞
是為先到營先聲已及於羅州獄卒聞之急走來呼
獄囚曰某阿某阿汝妻上京擊中聞鼓審理御史今
方下來云矣厥漢聞之大呼曰然乎不覺蹶然起坐
兩目俱開御史下來細閱文簿一及前案得以無事
出獄

肆舊習與熊鬬江中

盧貴贊者以宰相家奴得罪叛走逃在驪州以刺船
為業然素性慢無賴以惡船人聞於沿江一日載商
賈發船向京師掠危而過有一措大短小骨羸髮半

白衣葛若不勝者背負青襌裹手持一節立崖上呼
曰願載我少歇老脚也貴贊舉面而視願指下渡曰
待彼崖措大如其言循崖疾走唯恐其不及於船也
氣喘至下渡立而俟之貴贊及渡又不見也放船
而下措大又呼之貴贊又指下渡措大又循崖走氣
喘欲死依杖而立下渡貴贊又如不見也放船而
下如是者三而貴贊卒無意載措大措大猶逐船而
行睨視船去崖畧二十步措大少縮身一聲發割脰
身已在船中舟中人大驚貴贊初以一措大忽之及
見其勇俯伏請死措大不荅坐船之東頭解袂裹出

小砲僅尺餘於是飽裝取火而還坐東頭喝貴賁曰
汝往坐彼西頭下向吾面而跪貴賁不敢出一聲退
去西頭下跪坐不敢仰視惟頻頻睇視措大措大舉
砲正向貴賁眉額將放不放故為持重貴賁面如土
色唯合手向上口不絕死罪身亦不敢少動措大睜
開雙眼默視良久瞥然放下聲在白日貴賁已倒身
中人皆驚惶知貴賁已死亦無敢言者措大徐納其
小砲而還東之然後就貴賁扼舉其項候氣息久而
乃甦渾身無傷惟其頭禿髻不知去處措大呼貴賁
使泊船措大乃下船登岸之高處而坐使貴賁下船

貴賁下船又使伏貴賁伏又使解袴露臂貴賁露臂
而伏聽命惟謹措大舉手中杖三打貴賁之臂各異
其處杖沒于肉不見杖出然後血始流淋漓貴賁
復絕而甦措大乃將鬚厲聲責貴賁曰汝不聞公州
錦江李沙工之說乎一日七渡人而七還渡必無倦
色其人指江上山而謂之曰甬死必葬此沙工死葬
其處子孫大繁至今往來錦江者輒指而語曰此李
沙工之墓也今吾兩足繭沙水泡起而痛甚寸步
甚艱故求載于汝而汝不我載夫不欲載則已矣三指
下渡又何其困我而欺我若是甚乎此後則勿復作

惡如是今幸逢吾故饒汝性命誰肯活汝乎貴賁叩
頭稱恩德不已時適有騎驢而過者貌若秀士而年
少見措大之治貴賁揖而前曰快哉快哉是嘗困我
于船者既載我而以計還下而張帆逃去我徒步窘
行幾不及於試期及還又遇于斗尾謀於同行執之
納倒水中厥漢能泅水出沒若輕鳬示其無畏立於
水中以臂辱我、雖忿怒撐中而無可奈何今先生
治之小子疇昔之恥少雪矣措大不荅飄然向龍門
山而去其步如飛貴賁歸家調治幾歲餘始乃起
動頭髮亦鬆然漸長然臂上秋痕色青赤如三蛇橫

糾自是貴賈棄船業情遊亦自鬱。不樂其後宰相
家赦叛罪復來注京師如舊嘗夜行至鍾街上入屠
肆醉酖而出為羅卒所獲貴賈踢羅卒傷眩衆邏卒
齊出縛之聞于大將大將拿貴賈入盛怒曰冒夜禁
行已是難赦之罪而况踢傷羅卒何等天罪必可殺
也將重杖見醫有三大痕大將性惡蛇猶不欲見其
似者付從事官而治之以是得少緩貴賈躲焉復歸
驪州三年不敢出一日貴賈遍注上流上流有絕巖
壁立穹然而臨于江者曰白巖有樵童走謂貴賈曰
此巖絕頂有大熊方睡甚肥其肉可飽百人貴賈急

掉船抵巖下因以手篙直上其巖乘熊之睡熟盡力
擊之熊大驚起拔巨石滾下因大鼓吻咆哮直向貴
賁貴賁走熊逐之貴賁棹船至中流回頭見之熊已
在船尾貴賁又舉手篙擊之熊迎奪其篙折而反擲
之貴賁又以地篙擊之熊又奪之貴賁盡撤舟中之
械無以繼之貴賁乃徒手立熊乃攫船將覆貴賁
惶急欲避匿自恃其善泅翻身入水熊亦入于水是
日江左右觀者如雲人與熊入于水寂然無跡俄而
去船處二里許波濤涵湧狀若龍戰少頃貴賁浮出
乃尸也熊則出于淺處而人立人莫敢近者熊徐

向砥平縣去後聞趨揖山中有熊為獵斃所中死即
是熊云

定名穴牛卧林間

昔有湖西一士人為親山緬禮積年經營闢林尚義
之為當世名風水卑辭厚幣迎置家中奉以別堂厚
其供饋水陸之珍山海之錯惟令進排稀異之物難
得之種極意求索以副其請一言一事未嘗少咈其
意殆同燕丹之奉荆軻務積誠意三年如一日不敢
小懈時當深冬朴也謂主人曰今可作求山之行矣
主人大喜準待鞍馬盛備行具并騎而往行至魯城

敬天之下捨馬而步入山未半朴也忽稱腹痛不可
作行仍曰此病食生芹菜及生馬肝方可治療云主
人曰然則回至家中可以周旋云朴也曰白馬肝在
是良藥見今主人所騎之馬是白馬也盡椎殺而出
肝也其主人聽罷業火大發不可忍耐遂呼馬夫及
僕從捉下朴也數其罪曰吾為親山緬禮聞汝山眼
甚高故迎致家中多年供奉凡汝有言、下即從不
敢少違多見不是之處逆心之事而為親大事不可
不務積誠意故屈意忍任今至三年則吾之誠意不
可謂不至也今於求山之行忽稱腹痛者汝之所為

極為痛惡至於生馬肝生芥菜云云。尤極駭痛而吾猶
不敢違拒要與回家者吾意亦可見也。彼馬之屠亦
非難事而此亦回家然後可以屠殺者汝必欲在此
推殺汝欲屠乎我親自屠殺乎如此恃術驕濫之漢
不可不一番痛懲俾不得復肆如此氣習遂剥下衣
服繫、結縛赤條、地掛於松樹下仍亭其奴僕下
山去了。魯城居士人尹昌世偶作山行忽聞遠、地
似有人聲遂尋聲而進漸聞活人之聲出於樹木間
急往觀之則果有一人渾身無衣掛在樹端全體皆
凍幾至死境。尹士大驚哀憐解下結縛脫自己所服

之衣、之幣、手下來至于其家、溫藝房、堦、厚舖、衾褥、灌以溫水、饋以米、飲始得、回生、問知其為朴、尚義尹、士亦欲親山、緬禮、方在廣求之中、朴也感其再生之恩、謂尹曰、欲得山地乎、尹士曰、不敢請也、固所願也、朴曰、第隨我來、同行至某山中、指示曰、此中有名穴、即欲擇給於某人者、行緬禮則當大發福、仍不為占穴、即為辭去、尹士雖得名墓、大地穴、慶不知的在何處、屢得地、師上下山谷而終不得正穴、一日率衆多、地師騎牛而往、又欲定穴、而人各異言、是非紛拏、終莫能質定、如是之際、所騎之牛不知去處、四散窮搜、

則牛卧在樹木之中牽之不起打之不動足攪口穿
似有指示之意尹士始悟告子牛曰汝之卧處是此
山之正穴乎果是正穴則吾當以此處裁穴汝須即
起動牛似若做聽仍即起來尹士遂排衆議以牛卧
處裁穴移葬親山此即魯城南峯山也其後尹士連
舉五子即八松兄弟伊浚子孫昌盛組暄赫名公
巨卿代不乏人不但為魯城甲族遂為國內大族人
鮮與匹云尹昌世嘗於夏日無論山野之行見牛之
在暑炎中喘者必移繫於樹陰之中故終亦食牛
之報如此云

老學究借胎生男

古有京居一士人因事往嶺南地轉入太白山中迷
路越店日色向昏遂投宿於一村舍其家內外俱是
瓦屋無異京第求見主人請寄宿其主人儀容甚偉
鬚髮半白快許之饋之夕飯主人問曰年歲幾何而
有子女否士人曰年未三十而子則殆近十蓋一經
房事則輒生子矣家素清貧而子姓滿室還為憂患
矣其主人頗有欽艷之色仍嘆曰何許人有如許福
力耶士人笑曰憂患中大憂患何足以福力稱之耶
主人曰年過六十尚未產育雖積穀萬石有何世況

乎使我若有一子則朝飯夕粥亦無恨矣今聞尊言
豈無欽羨之意乎其望士人欲為辭去主人挽之烹
雞磔狗豐其供饋至夜屏退左右引士人入狹室送
容語之曰吾有衷曲可告之事矣吾生長於富家今至
老白首不識艱窘之狀復何所願而第子宮奇窮平
生不育一子為其廣嗣偏房副室亦非不多矣祈禱
醫藥靡不用極雖平日宜子之女亦未有娠素榆漸
迫奄成窮獨今亦家蓄三妾年皆二十內外而亦無
喜消息雖他人之子一聞呼爺之聲死可瞑目矣今
聞尊座一交即孕云願藉客主之福力欲施借胎之

方未知如何士人驚謝曰是何言歟男女之別禮防
至重有失通奸法意莫嚴雖一生素昧之間不敢萌
心况數日主客之誼何忍發口逆旅常漢之婦猶不
可况士夫之別室乎其主人曰渠雖賤物且自我發
說則少無可嫌夜深人靜日後生子誰得知之言由
心腹毫無飾詐幸憐此漢之身世即賜俯從使此無
子之窮老得聞生子之喜報則生。世。此恩如何
可報在尊為積善之事在我為無窮之恩事之兩便
莫過於此安用固辭為也士人尋思良久以為渠既
恩請異於自己潛通且既出渠之真情似無他慮雖

以外面人事再三辭拒男女大慾人孰無之乃曰揆諸道理萬不可而主人之請如是懇摯惟命是從而吾心則極不安矣主人聽罷大喜攢手稱謝曰今賴客主之德可聞呼爺之聲矣遂語其由於諸妾三夜三妾輪回侍寢其三妾亦意必生子問士人之姓名居住暗記于心中三宿之後仍為告別主人厚有贈遺皆辭以卜重仍為出山還歸京第其出以多子之故調度極艱有婦有孫食口恰過三十數間茅屋無以容膝三旬九食十年一冠亦難支通遂分散諸子使之贅居只老夫妻及長子同居然過二十春

秋一日無聊閑坐忽妙少年三人騎駿馬聯翩而來
升階上堂納頭便拜士人見其衣服華麗舉止端雅
乃慌忙答拜問曰客主自何而來前日似無一面之
雅矣三少年曰我等即生負之子也生負主不記某
年某地如是如是之事乎吾輩俱是伊夜所孕之子
也並皆同月生而日子稍有後先今年為十九歲矣
幼少時只知為老人之子及至十餘歲母親細言其
曲折始知為生負主之子然生負主既不知住在何
處且十餘年養育之恩極為隆重不忍一朝背之欲
待老人之下世為歸侍之計十五歲同日娶婦行新

婦禮於其家再昨年二月其老人年八十一無病而
化厚其殯歛擇吉地依禮營窆暇表三年以報其恩
今則祥禫已訖故茲憑母親之所託兄弟三人聯轡
上京今纔來謁矣士人恍然大悟細察顏色則果皆
酷肖遂將此事言于妻子及子婦等使之各一拜現
且曰汝之母今年為幾何而皆得無恙否三子各一
對之又曰畧察生負主家計萬不成說行中適有携
來者使奴子解行囊出錢幾兩使之質米質柴以為
朝夕之需其夜三子泛容語曰生負主春秋既高書
房主亦早年失學科宦似無其望又地無立錫秋空

磨石赤手白地何以資生不如落鄉以度餘年如何
士人曰吾亦有意落鄉而其於無田土庄舍何哉三
子曰某村老人是屢鉅萬富人身歿而無他族戚其
財產盡為吾輩之有斥賣家舍盡室行次則可以裕
足無憂矣士人聽罷大喜曰然則何妨遂買馬貫轎
卜日起程至其家見三妾及三婦其士人入處大家
其三子各奉其母析居于隣舍過數日後士人偕祭
物泣哭于富翁之墓其他贅居之子次率來分產
同居前後左右捻數十家其士人周迴輪宿三妾之
家以續舊緣好衣好食以度餘年其富翁之祭終三

子之身不廢云

鄉先達賢人送命

申判書汝哲已也後因牛人之用事鮮將任家居至
甲戌天心有悔悟之端坤殿有復位之機申公
先數日預先知之而申公將起廢拜將任仍以換局
而羣南亦暗察其機多歧偵探預約善財者數三人
傳藥于矢要於中路以為射殺之計申公洞裏有武
弁一人自鄉上來家甚貧窶百口領顧無論晝夜每
來相訪申公雖家食不敷而每饋以酒食或助以糧
饌而其弁亦西人之類故多年積屈未沾斗祿一日

申公邀致此弁曰今日適寂寥消遣甚難與我博戲
何如博者雜技也無所賭則無味吾輸則當致千金
君輸則必送吾所言而為之也其弁許之試一局申
公輸之其夕即送千金于其家其弁意以為一時弄
談不意其如是快施大驚異之其翌又邀此弁又設
博局曰昨輸一局不勝憤嘆今日又賭一局以雪前
恥也遂對局其弁輸焉乃曰今日則小人輸為賭當
施行未知使道教小人從何言乎願指教焉申公曰
吾從當有指教第姑留吾家食夕飯同宿吾舍也其
弁不敢違命遂留焉夜半申公以密告拜大將曉當

赴闕受符遂出甲冑二件使其弁穿之戴之申公亦
全身披掛又命奴僕速韉二匹座馬以待之其弁以
申公之命雖不得不勉從之疑恠萬端恠莫測
仍問曰使道與小人深夜披掛將欲何為又使韉馬
將往何處乎不勝疑惑敢此仰叩申公曰將有往處
君何以知之乎第從吾言從當知之遂趁曉漏飽喫
朝飯牽出自家平日所常騎之馬使其弁騎之申公
則換他馬騎之使其弁在前申公在後聯翩馳進闕
下過觀象監峴午堂領知申公今晚當由此路而進
預為埋伏善射者彎弓以待之見彼弁之全身披掛

騎駿馬前後擁衛而過去認以為申公遂發矢弓響
動處其弁應弦而倒申公乘其隙急馳馬而過之
凶黨始認以真箇申公雖悔博浪之誤中而未及馬
陵之奔發無可奈何遂得免禍入關受符軍國大權
遂都歸於申公仍盡逐牛黨進用西人又備棺槨衣
衾厚瘞其弁其家屬又頻顧恤其子待闋服付之
軍門厚料以終其身云

掘銀窰老寡成家

昔有閭閻一寡女青年喪夫只有乳下二子家計食
貧朝不謀夕其家在六角峴下後有園可以治圃者

一日為種菜資生計方欲耕治揮鋤之際錚然有聲
見一石方正大似盒蓋樣始用墜錘之屬除其傍土
舉石而視之則下有大瓮一座銀貨滿其中遂急掩
其蓋石復取土而埋之踏而平之又向家人說道
人無有知之者家雖至貧而教誨二子極其誠勤次
弟成就文筆優餘知道理識事體奄為吏胥輩佳子
弟遂各為宰相家僮遂以其人事伶俐有文有筆精
白一心其宰相亦寵愛之未幾兄為惠廳書吏弟為
度支書吏家勢稍饒其母寡女老而無恙借享榮養
孫子亦七八人成長者或為僮從或為廬人一日其

母會其子孫及婦女詣後園埋銀之所使之破土舉
蓋以示之諸人皆大驚曰銀之埋此何以識得乎其
老母曰吾於三十年前意欲治園親自修地揮鋤之
際此石露出故去土而舉蓋視之則銀滿一瓮其時
生計艱窘非不知掘出賣之則可作富家而第念汝
輩尚在襁褓知覺未長趨向靡定習見其家富之樣
不知世間有艱難之事好衣好食飢寒不識長其侈
習養其驕性其肯屈首於問學從師之業乎沈溺於
酒色外入於雜技即是倘來事也故視若不見仍為
埋置使汝輩知飢寒之可憂財物之可惜無暇念及

於雜技不敢生意於酒色俾得致之於文墨之事勤
勤於契濶之業今則汝輩幸已成就年既長大各有
所業家業稍饒立志既固雖掘銀而用之似無侈汰
浪費之慮又無外馳走作之患故指示汝輩使之散
賣日用矣自是以後次之發賣得數萬錢遂為巨富
而其老好作善事飢者食之寒者衣之親戚之窮困
不能婚葬者皆厚助之又於冬日必作襪數十乘輻
而出行見乞人無襪者必與之蓋以寒苦之最難堪
者足凍故也又周行於所親知家貧窮者每周其急
草屋之未蓋者使之乘屋瓦家之傾頽者使之修改

計價而給之其老寡年過八十無病而逝其二子各年過七十老退吏業官至同知追榮其三代其後代代子孫繁盛或登武科歷主簿察訪或以軍門久勤經僉使萬戶云

倡義兵賢母勛子

金兵使見臣龍灣將校也其母年未笄許婚於同鄉某姓人受采未幾其夫病死金母以為雖未之醮既受其幣不可他適仍聞訃即發喪而赴仍奉舅姑極其誠敬過三四年為覲其父母作歸寧行洞里富人金某者即數十萬巨富也時適鰥居聞其女人之貞

烈賢淑欲為繼娶。性見其女之父，請以萬金為壽，願為之婚。其女之父素是貧窮，聞萬金之說，雖是流涎想其女之烈節，誠無以發說。遂謝之曰：幣誠厚矣。女兒之守節甚苦，不可奪志矣。金某屢次懇請而終不之諾。金某遂謝去。其家素是貧家，內外不甚遠。其女子在內竊聽之待客之去，呼其父而問之曰：俄者客來所言云何？其父曰：別無所言。其女屢度迫問其父，乃曰：雖有云云，不可向汝傳說矣。其女又懇問，乃曰：欲以萬金娶汝為妻矣。其女曰：父親貧窮，小女之心尋常悶迫而無計奉助矣。今萬金誠大財也，得此則

父親平生可以好、生活豈非小女之至願乎且吾輩賤儕豈有所謂守節又况只受其采而已未嘗與之合卺而未識七夫之面目守此終身亦無意味願父親速請其人回來仍為許之也其父聞此言仍出外舍急使人追之請金某回來依女言許之金某大喜隨即輸送萬金擇日醮禮仍作夫婦金某即見臣之父也其女入金某之門御親戚率婢僕恩威并行接賓客治產業井井有法家道益興財產漸饒未幾生子即金見臣也見臣年稍長教之有道隨行於滯府將校時當辛未冬嘉山賊景來之亂見臣年三十

一時通無任閑住家中其母招見臣謂之曰今國家
多亂賊起於道內而汝以丈夫身寧可以袖手傍
觀乎上可以招聚軍兵起義討賊中可以自詣軍門
聽營門之指揮下可以編於軍伍戮力効勞豈可視
同他人之事而要坐於家也見臣曰謹聞命矣遂發其
家財呼召民衆制軍服作器械率義兵幾千人仍注
諸巡撫中營結陣於定州城外使義討賊多所斬獲
賊兵之不敢西下蹙入定州者此人之功居多及其
城陷之日直搗巢穴蕩其氛翳道臣上其功國家大
致嘉尚連拜內禁將宣傳官等職仍又直拜忠清兵

使又拜別軍職後又拜价川守价即義州之道內邑也錦衣還鄉以板輿奉其母養以官廩其道內諸人莫不欽羨云

致精誠課曉拜佛像

昔有一士姓李人做明經業發解武年初試會試在於翌春為習會講之工約親友數三人携冊往會於北漢之中興寺揀一靜僻之室淨掃而入處以為專意誦讀之計李每於曉頭梳頭浴身往佛堂向佛像焚香再拜暗祈祝諸親友每譏笑而李也聽之藐然專誠致勤雖風饕雪虐天陰雨濕之夜未或一廢

其中一友意欲誑之光孝也而性佛堂藏身於佛軀
之後以待之少焉孝也果來焚香祈禱其祝辭蓋曰
平生所願唯在一科虔誠嘿祝不敢少懈伏願靈佛
俯垂慈悲之心陰施普施之力俾捷明春科而七大
文預為指示以為專一講習之地云云其友詐作佛
語曰觀汝精誠一直不懈極為嘉尚明春會試所當
出之講章吾當先告易之某卦書之某篇詩之某章
論之某章孟之某章庸之某章學之某章當出矣汝
須專力誦此可以無慮純通矣孝也俯伏恭聽云云
又再拜致謝曰佛降神靈有此指教恩澤如天云云

自是以後不讀他章只讀七大文晝夜誦習忘寢廢
食至於小註并皆突誦其友始雖以欺嘲之意有此
假托之舉而不意其認以真箇佛教酷信至此誠有
由我致敗之嘆其見欺之狀愚騃之舉一則可笑一
則可悶其友人謂之曰佛雖指教七章而佛之靈否
固未可知但信佛語只誦七大文如明春會講之講
章或出於此外則豈非無限狼狽耶君何酷信不徃
之事至此甚乎李曰誠意所積神明亦感有此預告
之異豈有無靈之理哉君勿多言第觀明春事也友
人不勝悶迫吐實告之曰君之所禱非狂則癡故吾

以一時戲弄之心藏身于佛軀之後假托佛語而括
七大文告之此非佛告也即吾之所為也不意君篤
信如是萬言難迴何其愚蠢之極而迷惑之甚耶吾
誠悔之無及君須通讀七書無至臨講見敗之地至
可至可李曰不然吾之一片精誠天地之所共鑑神
明之所共燭天地神明欲預告會講時所出之章使
之前期講習而既不能諄然面命故使君而代傳
此猶尸傳神語而工祝致告之意也由是論之君則
雖出於戲弄之舉而非君之所自為也天實使之神
實命之君之語即天神之語也雖譏語嘲笑四面者

至萬無回聽之理矣自是閉戶謝客獨坐一室心誦
口讀只是七大文翌春會講時李入坐講席少焉講
紙自帳裏出來急開視講章則書出七大文而即
昨冬所講之章也李不勝大喜不復運思即為高聲
大讀并音釋前註不差一字一吐一口氣盡誦之如
輕車之驅熟路駿馬之走峻坂七試官大加稱賞交
相擊節至於扇墜皆落遂各出通牒以七純通登第
自設明經科以後初有之云

誦恩德每飯稱閔爺

太醫安孝男早遊公卿士大夫間有名

孝廟違豫

屢進藥輒有效特除僉知歸老子海西之載寧年九
十而沒仍葬焉伊後十年歲辛亥大饑時驪陽閔相
公按海西節安蓋嘗有勞於驪陽家者一夜驪陽忽
夢安君來訪不知其已死欣然叙阻如平日安曰歲
大浸闔族百口將填壑願大爺特垂哀憐而救活之
驪陽矜惻而諾之又問若家屬今在何處曰賤孫名
世遠居在載寧之柳洞云酬酢未了欠仲而覺乃一
夢也大異之遂呼燭而起擁衾而坐即書載寧柳洞
安世遠七字以識之其翌日發闕本郡曰某之孫某
居某村者即為起送本郡倅見闕文意世遠有罪提

來即發差使星火押送于營驪陽見而笑之使之前
從容問之一二與夢中語相符不爽毫釐遂語以安
君夢告事仍帖給五十斛米其他雜物亦稱是各邑
守令之以賑事來營下者聞之皆異其事而欽其義
亦各有所饋遺其數不些驪陽遂命悉輸置于其家
世遠百口得以全活且以其餘置田奉其祖之祀自
是以後安家老幼每飯必先祭又上手祝曰是誰賜
也齊曰閔監司大爺閔監司大爺如是而後敢食遂
成家法至孫曾亦然人或問其何故如此則曰自祖
先以來如是故不敢廢而實不知何故問閔監司姓

名則亦不知為誰某云

班童倒撞藁州中

某郡邑內有一班童家勢零替父母俱沒零丁孤苦
而粗知文字每往依於本郡吏房家贊其文簿之勞
僅糊口邑內有一川越川邊有一民家其家有女
長成而姑未定婚一日其父母為觀其親戚婚事一
時俱去只其女在家中漂游班童自前習見而心慕
之瞰其女之獨在潛往其家自後抱其女腰其女曰
我知道令之意矣吾其與常漢作配得配於兩班則
豈不榮華歟今不必如是無禮我已心許之待父母

還當議婚擇日依禮成婚歸而姑待之班童然其言
遂諾而歸其父母歸其女以其委折告父母將消告
行禮其女外族遠寸有某漢悅其女之容顏屢度求
婚而女家終不聽今聞其女與班童約婚一日誘致
班童執其手足以襪塞口倒撞於藁草積堆之中一
日其女不見班童往吏房家問之亦不在焉大生疑
惑即走其外族某漢之家謂之曰汝家藏置某道今
於何處斯速出送其家大言發明又加罵詈厥女略
不採聽遍搜其家內外皆不見轉入後庭散其藁堆
則班童果然倒在其中面如死狀喉舌欲絕急為抱

出先發塞口之襪次解手足之縛背負歸來安置其
家使其母調息之渠則直入官庭節節詳告其首尾
官家大加稱嘆厥漢發差捉來嚴刑遠配優給婚需
俾待班童之甦醒而成婚焉

鄒弁自隨統帥後

龍仁有一武夫志氣磊落又多權術一日聞新降統
帥不日將辭朝乃具駿並虎鬚筒筒刀鞭之屬又買
駿馬一匹及統帥行過前路武人乃具戎服繫韉出
迎路左統帥顧問曰彼何人斯武人鞠躬前進曰聞
使道將赴任統營故小人願為隨侍敢以此來現統帥

觀其人容貌俊偉聲音洪暢衣馬亦輝煌笑而許之
後隱裨將無慮數十人無不目笑之武人小不為嫌
日隨行與諸裨輦朝夕問安統帥上營翌日朝仕
後營吏以軍官座目板呈上統帥環顧諸裨輦曰君
則以何人之請而來也對曰小人某大監之請也又
問其次對曰小人某大監宅人也次第盡問未及武
人曰君則何為而來也對曰小人即龍仁中路自現
而隨來者也統帥點頭隨所請之緊歇畫房任之優
劣最晚只餘一薄窠姑以武人差之未幾自京來者
或以任薄而求去或以妬寵而辭去所闕之窠稍

移劃於武人屢月任事詳察所為則見識通達做事
勤幹人品才局俱非自京隨來者類於是益信任之
賔窠緊任多或換差所親裨將輩交謁更諫一不動
意益加親信營中諸務盡為兜攬不期漸迫忽於一
夜不告而走於是諸裨將一齊入見曰使道不信小
人輩而偏信不知根着中路隨來者一管錢財盡付
渠手今乃一夜潛逃世間寧有如許虛浪之事乎譏
笑之聲左右迭發主帥使諸裨點檢各庫留在則無
不蕩然主帥茫然失圖只仰屋長歎而已未幾瓜滿
遞歸時當庚申之際朝著換局午人盡為斥退此帥

亦南人也盡失攀援仕官無路落斥數年家計剝落
斥賣京第出居南門外里門洞舊日親裨無一人來
見者朝夕屢空憂愁鬱悒日開前窓俯瞰大道一日
見有人乘駿馬卜馬一駝從者五六人向南門而上
者俄而直入里門洞口直入自家大門內滾鞍下馬
乘階上廳入房而拜見之統帥答拜坐定其人先問
曰使道不知小人乎統帥愕然曰果不知也其人曰
使道不記年前統制使到任之行中道迎謁而隨去
者乎小人即其人也統帥始乃大覺未暇責其盡輸
營物不告逃走之罪當此窮途喜其來訪遽問曰君

於其間誰何處今何故來訪耶其人曰小人以八面
不知之人自薦而隨誰羣譏衆笑四面皆至使道一
不採聽偏愛任信小人頑非豚魚豈不知感乎第觀
時勢使道非久當此境界以如千廩俸之餘為歸家
幾年之用乎故小人為使道別辦一計為報德之地
而若先告於使道則使道必不許之故小人果知欺
罔之為罪而亦不暇恤為潛輸蓄財誰某處得一別
區設置在所諸般經紀今已整頓故敢來請使道往
居其家以終餘年使道自量今居此世仕官路阻飢
困轉甚安能辭久居此乎願使道熟計之統帥聞

言尋思半晌儘覺其言有味遂許之於是武人命車
來諸僕精具飯食二床一則進於使道一則進於內
間留三日收拾家藏備具轎子遂與夫人一齊起行
隨武人發行幾日轉入山谷中逾越山脊前當太嶺
統帥心雖疑懼而到此地頭亦無如之何矣武人先
登嶺上下馬統帥亦遲到下馬見四山周遭平野廣
闊瓦屋櫛比禾稼滿野武人指示曰此使道所處之
家又指其傍曰此小人所居之家一坪田畝自某至
某是使道宅所當收者自某至某是小人所當收者
統帥見此心目悅慙笑顏始開遂下嶺入其家房室

精麗制度奇妙入見內舍亦然前列各庫盡為封鎖
武人招首奴分付曰汝之上典主今此來臨汝輩等
各入現身於是豪奴十數人一齊現謁又召女婢亦
如之命納各庫閤金遂與統帥輪行開示曰此則某
庫此則某封米穀藁草充積庫中復入內舍則大自
穢籠釜鼎等物細至日用雜物無不畢具於是統帥
大勸樂之武人又請往見渠家間架雖小而精麗則
無異矣自此日夕往來或相與博戲或共往觀稼歡
情無間一日武人曰使道既在此中今安用使道小
人為哉請相與為平交何如統帥亦喜之優遊終老

逐官長知印打賴

湖南一守宰改令嚴急刑罰苛酷人皆惴惴不保朝夕累脇而息重足而立一日首吏聚官屬而謀之曰官家政事顛倒刑罰殘酷一日莅官誠有一日之害若過幾年則非但吾輩將無遺賴村里舉皆離散如是而何以為邑乎盡謀所以逐之就中一吏曰如此如此則何如衆皆大喜曰此計大妙遂爛熳相約而散一日其倖朝起受仕官訖適無公事獨坐看書不意年少通引近前舉掌打其頰其倖大怒呼他通引使之捧下諸通引面面相顧無一從令者又呼吸唱

使令輩舉皆不應掩口笑曰案前主失性乎豈有通
引手打案前主賴之理乎其倅本以燥急之性重以
憤怒撐中推窓擲案大叫亂嚷舉止駭妄言語胡亂
通引輩奔告冊室曰案前主忽生病患不能安靜大
發狂譫見方大段云其子弟及他冊室蒼黃上來則
其倅乍起乍坐或手打几案或足擲窓戶動止狂嚷
萬分殊常見冊房人之上來語其通引打賴官屬拒
令之事而憤氣所使語無倫脊且以心火大動眼睛
皆赤遍身流汗滿口流沫冊室輩見此貌樣狂病之
發十分無疑且以通引事言之既非目覩揆以常理

似無是事遂從容近前告曰大人且安坐靜養通引輦
雖沒知覺無人事寧有打賴之理似涉病患矣其父
倅又不勝憤忿大罵曰汝非吾子也汝亦為通引輦
分疏乎速出去更勿現形也其子乃邀邑中醫人
請診脈服藥其倅拒之曰吾有何病而欲使之服藥
乎罵醫却藥終日跳踉自冊房以下皆認以病患誰
復聽信其言乎今日如是明日如是忘寢廢食真成
狂病邑村官民無不知之監司聞之即為狀罷不得
已治行上京歷見監司監司問曰聞有慎節今則如
何其倅曰某非真病也方欲引出某事之顛末監司

遽揮手却之曰。厥忘更發矣。須速起程也。未敢畢
說而辭退。還歸其家。靜思其時之事。不勝忿恨。而纔
欲發說。輒歸之以舊病。復發。便欲邀醫問藥。終不敢
發。諸口頭及至。衰暮之境。以為今則年深歲久。已屬
先天。雖復發說。寧或歸之於舊病乎。乃會諸子語之
曰。某年莅某邑時。通引輦打賴之事。汝輩今亦以狂
忘知之乎。諸子輦愕然相顧曰。大人此證許久。不發
今忽復肆此。將奈何。顯有憂悶焦迫之狀。其人遂不
敢復言。仍為大笑而止。終其身。含忿而不能明其心
云。

憾宰相窮弁據腦

昔有一弁無他親知只得出入於一宰相家且有年矣逐日勤仕專主一席其宰相選掌兩銓三子皆登第長為承旨次為玉堂季為翰林而命途奇窮一未見效雖有當窠或為勢家之請所壓或因屢世親誼所奪低望亦未見擬而厥弁不敢怨尤進謁惟謹自以為孟嘗君知己其宰相忽患風證屢朝沈篤不起其弁遂未留其家專意侍疾閱月跨朝一直不懈藥餌之煎熬衣眼之脫着皆親自看檢供俸雖有許多門客及僮從其宰相以為他人皆不如此弁之伶俐敏捷

須臾不使離側夜亦和衣暫睡而已便尿之放坐卧
之際亦必躬自扶持毫無倦厭之意苦悶之色其症
漸々沉苦言語訥淡傍人莫能諦聽別症層生舉家
惶々連日達夜之際一夜則三子不勝疲倦各歸休
息僅從奴隸舉皆困眠房中只有武弁一人相守而
坐嘿念自家身世不勝悲涼渠於此宰相親非子侄
賤非僕隸且出入門下幾近十年一未蒙恩而一病
十朝徒效勞苦孝子慈孫不能過此世間寧有如許
哀憐可笑之事乎又念病勢萬分危重實有頃刻之
慮更無餘望於他日仍生忿恨之心長嘆數聲遂據

生宰相之旼堂拔佩刀擬其頸而數之曰吾於汝家
有何前生業緣而屢年勤苦未見分效今者屢萌病
患專誠侍疾所謂汝子承旨翰林輩豈有如我之至
誠扶護者乎然而一無感德之意不安之色如此之
漢胡不造死仍埋刀而退坐於一隅其宰相口雖未
言精神則自如觀其所為聽其言語不勝憤痛亦無
奈何少焉諸子輩上來問候其宰相繞經俄者光景病
中添以忿怒氣息喘承旨問于武弁曰病患比俄
者有氣喘之意未知有何失攝而然歟武弁曰別無
失攝俄者放小便一次後似有入睡之意忽咳嗽數

聲而覺、後氣息如是矣宰相聞此無非白地做謊
老不堪念、雖欲有言而不能成聲誠無奈何仍以
手指自家腦腫又以手指武弁頸有欲言之意宰相
心中則形容俄者武弁之所為而傍人之觀之者豈
能知心中之事乎只認以彼弁積勞不能暫忘日後
善處之道預為付托而然齊聲對曰雖非親教此弁
恩德雖割身剝肉有何可惜當極力拯濟俾有所成
就矣其宰聽之連以手揮之又指腦腫及武弁雖萬
番如是諸子輩何以知其本意乎只得謔以病中虛
擲之手矣其翌其宰仍不起過癸後三子交相吹噓

逢人輒托其冬都政拜宣傳官仍為序陞屢典州郡
官至閩帥云

捉出僧箕城伯話舊

黃判書仁倫為平安監司時道內某郡有殺獄而不
得正犯者有年蓋其邑班族婦女成婚未幾其夫病
死其婦女寔葬之後構草廬於墓側獨泣守墓晨夕
哭泣必盡其哀朝暮饋奠必致其誠其墓距其家不
遠而道路觀者莫不哀之一日為不知何許人所刺
殺未邑聞即來檢用刃之驗分明而函身不得捉不
知何人所為黃判書少時讀書山寺與一僧相親密

下山後頻入城來現來則必留數日與之談諧及
為西伯其僧又徃拜焉留置冊室每於公餘無論晝
宵必與之談笑而每以寃獄之不得成案為念意謂
雲遊之僧必有風聞之事一日送客謂僧曰某邑有
如此如此之疑獄而正犯在逃多年跟捕尚未推捉
汝是出家之人道路流傳之言或有得聞者否其僧
雖以無所入聞仰對而細察氣色頗有可疑夜深之
後屏退左右執手促膝謂之曰吾與汝交自少及今
屢十年餘契分甚密情義相輸肝膽相照汝於吾豈
可一毫相隱須從所見所聞一一詳言之夜深人靜

傍無聽者言出汝口即入吾耳寧有漏泄之理多般
遊說厥僧思平日之情誼聞今夜之情談言之似無
害遂盡吐其實狀曰小僧果於年前往來之路一番
撞見慾火忽盛侮其孤弱乘夜突入欲強污之其婦
人抵死力拒小僧忿其不從遂抽我刀而刺殺之仍
即亡去矣言訖黃判書即大聲呼左右曳出此僧數
其罪而撲殺之以雪其烈婦多年之寃當時議者或
以為難或以為薄情云

雪神寃完山尹檢獄

昔年某台為全羅監司一日約本官夜話于宣化堂

夜深後本官辭退監司既下退舍方纔就寢忽聞有
女子哭聲甚悽絕自遠而近入于三門之內哭聲遂
止而似有人跡次上陞階上廳開門而入舉頭視之
乃未笄女子黃衣紅裳姿色亦殊恠問之曰汝是人
耶鬼耶何為而來其女對曰小人即本官吏房之女
也家勢稍饒母死而小人之父更娶後妻生一子又
有继母之同生利小人之家之財物有傾奪之意而只
為小女在家小人之父又偏愛小女故其計莫售月
前小人之父以官家分付出姓他所計其姓返當為
五六月矣小人继母與其同生共為謀議詐令小人

出戶搗砧暗送背後舉木枕而擊腦即剝外地腦裂而死於是歛以此衣入于棺中埋之於十里官路之傍土尚未乾小女之父竣事歸來尋小女不見問于後妻則答以君去數日忽焉腦腹急痛不終日而死小人之父不知委折只一場痛哭而已伏乞使道為小女得洩此冤赦此仰達監司遂問其父之姓名又問其继母同生之姓名仍曰吾當為汝伸冤其女遂再拜而退不聞哭聲又不聞足跡遂呼燭起坐遂通引于本官急速進來本官纔自營門送客陪話至於夜深又醉飽而歸方解衣入睡神魂矇眊之中忽聞

上營通引以使道分付使之急速進來大驚起來曰
不知俄間有何許大事而有此急告遂顛倒衣裳蒼
黃進來則監司明燭坐待入現問有何急事監司曰
有時急開檢之事須即地發注官十里路傍待天明
行檢以來仍以小錄提示之本官視之乃錄名小紙
也本官即為還衙發健校壯卒依小紙錄名出不意
而掩捕之嚴鎖長枷驅注十里路傍新塚發掘其墳
土破棺開檢出屍體於平地次、開檢則乃是十五
六歲女子面色如生仰面無一傷處翻屍而見合面
則頭腦裂破血髓尚未乾遂具屍帳乃告見其小歛

衣裳如昨夜所見遂捉吏房及其後妻之同生者箇
箇嚴訊其女娼妹無敢發明一承牒遂并打殺之
吏房則責其不能齊家之罪而流配之營邑大小民
人莫不稱其神明焉

崔崑崙登第背芳盟

崔副學昌大非但文華風範才名溢世而容顏出衆
風彩動人未第時節屆暮春謁聖有命因事騎驢而
出行過某坊忽有不知何許人趨詣驢前納頭便拜
崔問汝是何人吾未記得也其人曰小人即紙厘市
人姓名某也未曾一次問安而竊有衷曲可白之事

非從容則無以盡情小人之家即此家也極知惶悚
而敢請行次暫入休憩焉崔異其言遂下驢入其外
舍房室瀟灑書畫滿壁坐定其廬人鞠躬前進曰小
人有一女息年纔二八薄有姿色畧具才識而平生
所願欲為少年名士之副室故尚未有定婚處矣昨
夜渠夢正卓一張忽地飛揚而化作黃龍向空飛騰
而去覺而異之搜得夢中化龍之紙十襲封置自以
為今番科舉以此紙觀光者必占高第將自擇而授
之仍作小室云而小人家適在大路傍自早朝淨掃
行廊一間垂簾于外窓終日出坐覘往來之人適見

書房主行次過去急招小人願邀行次故所以唐突
敢請也小焉進一大卓飲食皆奢麗又出現其女子
花容月態真是傾城之色而眉目清朗舉止閑雅類
非閭閻間賤物其塵人又跪進一張正草曰此是小
人之女夢龍之紙也科日行且近矣書房主以此呈
奏則必當寬捷湏於唱名之日必以卑微為嫌即備
轎軍卒去此女永作箕箒之奉遂平生之願千萬至
祝崔既慕女色之出羣且喜夢兆之非常遂滿口許
之丁寧牢約而去及當科日崔携其正草入場抽思
揮毫頃刻寫呈遂占魁元御前唱名裨花賜樂其大

人議政公後拜出來仙樂喧天榮光耀世至其家軒
輶填門賀客盈堂歌童舞女羅列前後珍羞綺饌交
錯左右管絃助歡優倡呈技觀者如堵盈庭溢巷於
焉之間日色向昏賓客稍散崔雖心不忘向日丁寧
之約而終是少年人事知慮未周嚴不敢告其由於
大人且緣紛忙忿擾自下周旋亦未及焉方且趑趄
恨嘆之際自大門外忽有哭聲甚哀只見一人推腦
放聲直犇入大門內下隸百般驅逐而其人尤且哭且
語謂有至寃之事將白活於先達主云而限死鑽入
其大人議政公聞之不勝駭恠使其人止哭而近前

問以汝有何許冤痛之事而當此宅中慶賀之日作
此駭恠抹殺之舉乎其人且泣且拜吞聲而對曰小
人即紙厘市人姓名誰某者也因將渠女夢龍之事
及與崔相約之事細述始末且曰小人女及當科日
自朝不食唯榜聲是待頻探其書房主登科與否故
小人連為探之道路則宅書房主果為壯元及第的
實無疑仍傳喜報於渠乃歡天喜地唯待備轎率
去之報者日將暮而無消息則小人女乍卧乍起
如癡如狂更無他語唯長嘆數聲小人不忍見其狀
多般曉之曰唱名之日例多紛擾賀客盈門酬應浩

繁無暇念及於閑漫之事書房主之暫為忘却固亦
不是異事雖或不忘而綠忙未及周旋亦無怪焉吾
當往賀某宅仍探動靜亦為未晚矣其女曰如或中
心藏之則寧有因撓忘却之理如有深情則雖甚匆
忙備轎牽去不過一分付間事豈無其暇乎其書房
主心中已無小女故尚無消息人既忘我無牽去之
意則自我先探不亦著乎綠我往探雖或龜勉牽去
亦有何滋味之可言乎百年同歡情義是特而芳盟
未寒有此渝變更又何望於他日乎吾意已決勿復
更言仍入房內自結而死小女悲恨填胸哀寃徹天

敢此奔告云、崔相聞之大致驚駭不勝慘惻良久
無言乃招其子責之曰此是何等大事而汝既與彼
相約有此背渝世豈有如此沒風流無信義之人乎
薄情甚矣積寃極矣吾初意則期汝以遠到以此事
見之無足可觀何事之可辦何官之可做乎咄咄不
已又曰卽為盛備真需為文一通備述知罪催謝追
悔莫及之意泣哭於屍前殯殮之節亦為躬檢俾得
無憾少贖負約之罪用慰不瞑之恨至可至可又為
優給棺槨衣衾葬埋之需使之厚埋其後崔官至副
學而早卒

車五山乘興題畫屏

月沙李相公朝天時從事極一代之選車五山天輅
以文章預爲韓石峯獲以名筆送爲行至瀋陽聞一富
人以萬金粧彩屏一坐錦綵燦爛金碧輝煌乃邀天
下名畫、紅碧兩桃、間畫鸚鵡一隻方求天下文
章與名筆欲寫畫題而未得其人蜀間中有二士以
名筆擅名天下方資厚幣往請姑未還而其屏則在
於其家人有求見者必出示云車及韓聞之詩思溜
筆興勃、不可遏住仍請求觀畫本及粧纈曾所
未見之緞畫亦逼真見此又不勝其興五山謂石峯

曰我詠畫題君須揮灑也所謂蜀中文筆未必勝於
吾與君也遂暇其無人名峯磨墨濡毫五山鳴吻鼓
喉題七絕一首于其上曰一樣桃花色不同難將此
意問東風其間幸有能言鳥為報深紅映淺紅石峯
一揮而盡仍即驅車向燕京少焉其主人來見其嗟
抹大怒曰吾不惜萬金粧此屏方求天下第一詩文
與筆畫以為傳家之寶畫則幸得而詩與筆政待蜀
士之來何物朝鮮人渠敢大膽偷我不在漢我至寶
如此哉方咤而嘆憤而罵少焉蜀中兩士來見
他人已先著熟視良久即起下堂恭行再拜之禮嘆

曰此真是天下文章與名筆也吾輩則風斯下矣不敢當也仍閣筆而退其主人方認是真箇名筆與文章大喜厚儲潤筆之資待使行回還邀請車韓兩人百拜致謝厚遺幣帛自是五山石峯之名擅於大國無敵於天下云

武舉聘辭屈試官

一舉子應武講適拈夷齊採薇之歌考官問薇之爲物只食其體食薇者孰不折取其體而夷齊則獨採其根其義何居舉子曰先生其真不知而問之耶抑亦知而試問也居薇之食體古亦今也豈有夷齊獨

不知也周人之食薇宜乎其體而夷齊之食薇獨不
宜其體而宜乎根也周天雨露滿濕其體以夷齊不
食周粟之義豈肯食其體也是以棄其周體採其殷
根遂以殷士歌殷歌終殷節未知先生以伯夷之節
折薇而食體則可乎不可乎考官之問則以採之一
字不過欺弄武夫以見其語塞而已不曾有別般可
疑之端矣穹通有理之荅忽出於自家所料之外大
驚遂更問曰伯夷餓死之日以于支計之在於何干
何支曰庚午日也考官曰何所據也舉子曰法華經
云凡人之不食而斃者男則七日女九日商紂之七

在於甲子日宜夷齊之自甲子日廢食而甲乙丙丁
戊己庚則庚午之日即法華經所謂男七之限是以
知之試官大異之不計武技之高下以講義之第一
擢為魁甲

鰥班弄計卜隣寡

古有一鄉班中年喪耦家貧不得繼娶其對門家有
民家寡女無親戚子女家貲稍饒鄉班有意於卜妻
多歧通媒而厥女亦年既老大家產不負無意於更
嫁誘之萬端終不回聽一日厥班招其隣居勸農之
素相親熟者語之曰吾欲得彼寡女以為別室而厥

女終不聽從無可奈何今授汝一計汝須如此如此
勸農許諾而去時當農節早晨勸農來叩寡女之門
語寡女曰今日吾將移秧主人之牛必為見借寡女
自是財力裕足不藉他力凡屬器物一不借人一鄉
之人無不疾之聞勸農之言曰吾亦今日移秧不可
借牛勸農不問曲直即入牛牢而牽出厥女不勝忿
怒未遑衣服單袴跣出追去厥班暇厥女之出門以
赤身直入厥女之家蒙寡婦之衾而卧寡女追及勸
農奪牛而歸無數罵之勸農故為追來愚借不已厥
女一向罵辱如是之際日漸晚矣左右隣里聞其爭

聞之聲盡出觀之滾到寡女家前其隣里無非勸農
之偏也人皆為勸農一言而厥女一向發惡滿庭喧
聒厥班條、赤身擁衾起坐露出肩膊斜戴寢冠推
窓大聲曰何許恠漢敢此來喧聒勸農仰視之乃隣
居某生負也即趨進拜謁曰小人實不知生負主來
宿此家也觀光諸人無不相顧有駭惡之者有譏笑
之者一併散去又時、相語曰厥女倣稱守節潛通
彼班者想已久矣其寡婦亦事出意外一邊錯愕一
邊詈罵毀節之辱無辭可辨厥班晏然而起更整衣
冠緩、歸去寡女不勝冤憤呈訴于官、召致厥班

詰其顛末而造之言此曰丁寧彼曰暗昧無以卜其
真偽乃招其隣里以叅訂驗同然一辭更無可疑遂
乃分付曰無論如此如彼寡女之改嫁不是異事彼
是班族為妾何妨輟夫寡婦兩得其耦亦是好事更
勿呈訴與之同居厥女更不敢一聲稱寃纔出官門
疾視厥班罵之曰到此地頭不得不同居而生負主
之臆志可謂天下大黨賊漢有

騙鄉儒朴靈城登科

靈城君朴文秀兄弟皆不足於文筆而僥倖聯叅於
監試解額其兄憂之曰吾兄弟皆無文無筆又無器

具可以買文買筆會圍將近何以觀光哉靈城曰一場文筆皆吾兄弟文筆也當日呈券何憂之有哉遂日出入跡遍城內探得某鄉之某士巨擘某鄉之某儒書手而皆無初試冒入者拚谿曲逕求見巨擘書手一識其面及當試日兄弟各持試卷一張首先入場坐於路傍見冒入者入來則輒起迎而語曰犯禁冒入無乃未安乎如是者凡四次其主人及冒入者滿面通紅畏首畏尾懇乞其官村無事朴曰吾兄弟試券作之書之則可幸無事矣仍曰此則吾兄之巨擘此則吾兄之寫手各自排定其擘及筆不敢出

一聲各展試券一人呼之一人書之頃刻寫出文不加點筆亦無欠遂得聯壁於會榜其後增廣靈城又得初試而會試則尤無以觀光際聞湖西一儒為策文接長得鄉解而上京留旅舍泚訪之語以當赴會圍會工不可不略為收拾而苦無同接相長之益得聞高名嫻於長文願同做若干首以為肄習之地其人許之靈城雖短於製述自有記誦之才寓目輒誦乃遂相親人倩策題一道默記于心中翌日又往曰會日漸近可自今日始工試出一策題也鄉儒曰吾雖略解策工而至於策題則京華眼目似勝尊須出

之如何再三推諉靈城始遍閱諸冊若構思樣沉吟
半晌始乃呼寫畢乃曰今已日晚自明始做如何
遂辭去又要所親人倩中頭已上點記于中其翌又
往與之會做畧費思索旋即寫出如是四五日鄉儒
初則以京華少年藐視之及見其出題及所作文華
富贍詞采爛熳便一雄文巨筆自不覺望洋之嘆一
日則方且出題構思之際有一毛笠下人氣喘喘走
來問朴書房何在朴視之則乃自家奴子也喘然
慌忙告曰內上典急患腦腹痛實有頃刻難保之慮
請書房主火速行次為朴乃謂鄉儒曰室人此症係

是本志一發必至十餘日委痛不可不急。性見問
醫用藥第性觀動靜更當來做云。遂辭去。此蓋托辭
也。過了十餘日始乃又訪曰室憂今雖少差猶未可
釋慮。且會期無餘無以更做。極為悵嘆。湏於會日相
期於場外。以為同場之地。如何鄉儒亦仰以高手意
以為若得同坐。必有益。益欣然諾之。及當會日。靈城
携一空石。一正草坐於場中。門外目見其鄉儒之性
來而視若不見。或四面與他人語。不為接談。其儒見
如此。貌樣嘆曰。京華士大夫誠無足恃矣。既丁寧相
約而臨場。頭有訑之色。恐其有害於自家之科事而

然否遂躬注其傍先自接語曰見人之來而外面何
也同場周旋既有宿約而如是冷落顯有外之之意
何也靈城心中則唯恐其人之不同入而外面假示
黽勉許之之意遂入場同坐一席未幾題出各自起
草未半靈城謂鄉儒曰做得幾許曰做至中頭矣仍
出示之曰如有疵病須詳教之朴將自己所草摺置
於方席之下而每字以墨塗抹使他人莫能諦視畧
觀鄉儒之草未半券持而起曰小便甚急諸少俟之
吾之所草者在於方席之下須出而見之也遂起身若
放溺樣避坐於所親人雨傘之下揮帳之中親自展

奏寫之蓋增廣正草歷書之故雖怪拙荒雜無所拘
為逐條以下則又謄他人所作仍為呈奏又得高中
至戊申亂以從事官錄揚武勲封靈城君官至判書
而平生多權術善詛諧以善行繡衣至今得名云

啣使命李尚書爭春

李判書益輔與某台生同庚居同巷幼同學長同業
以至上庠登第無不同年內翰瀛館亦皆同選地闊
儀表文翰物望人莫能甲乙李台與某友伴直於玉
署互相自勝莫肯相下乃相約曰吾輩自幼及長無
一不同無以定其優劣聞南原有妓名某者為國中

一色云以此妓先着鞭者為第一云。未幾某友為
全羅左道京試官而乃是他人有頃之代試日迫近
明將辭朝試邑即南原也李台適在直中聞之大驚
嘆直欲即地飛去而無可奈何深致慨嘆以為今則
勢將遜某友一頭此將奈何咄。憤痛達宵不寐其
翌曉某友為試官下直歷入直所意氣揚。顯有壓
倒之意大言夸張曰從今以後吾可以勝君矣李台
雖強作大談而垂頭喪氣自不覺氣縮。然少頃忽
有入直玉堂李某入侍之命乃顛倒赴台則自上授
封書一度及銬尺馬牌等物李台大喜意必湖南繡

衣即刻直出南門外圻見封書則果是湖南左道暗
行御史計其日子則某友當於某日入南原必於當
日內起程借道疾馳方可以先某友入去矣送人禪
將未暇知委急報家中先持若干盤纏率伴僞一奴
子一健步發行送人禪將及盤纏衣服則送後直送
于南原地事報于家中無程趨進某日午時抵南原
邑探京試官行止則今朝纔入來云遂急、廬探得
數三件事直為出道於客舍伊時上自官家及試官
下至邑村吏民未聞御史先聲猝出道皆蒼黃忙
急一邑震蕩遂拿入吏房座首各倉色畧、治罪後

自本色定入隨廳妓幾名而見其座目則無願妓之
名遂拿八戶長問之曰南原乃國內色鄉御史是第
一別星而今者隨廳妓全不成樣須速換定以入
也御史分付誰敢違越乃換定以入而亦無願妓名
字御史大怒戶長及首奴首妓一并拿入喝問曰吾
知汝邑有妓名某者而再換隨廳猶不來汝邑舉行
萬、慢忽某妓須斯速現身也戶長等白曰某妓京
試官使道已定隨廳不使須吏離側故不得定入云
御史愈淫愈怒令別造三隅杖戶長首奴妓等縛
坐於刑機上厲聲曰汝輩將此妓藏於何處假托京

試官隨聽終不現身乎萬、駭痛萬、無嚴若不即
刻待令汝輩將死於刑杖之下遂令選善杖者限以
十度內打殺威風凜、號令如霜舉邑戰慄戶長首
奴首妓家舉族及三班官屬並詣京試官下虔涕泣
號訴曰三人性命今在頃刻伏乞京試官使道特垂
哀憐之念大施活人之德暫令出給某妓則謹當現
身於御史道以免罪責少待御史道威令之稍定趁
夕間某条還為率來使之隨廳暫許出給俾完三人
將死之殘命千萬至祝至祝京試官不忍厥輩之無
罪將死又念若不出給某妓而御史果打殺某漢則

不無由我之嫌亦有埋怨之慮且所謂御史不知為
誰某而若因一妓之故遂成平生之嫌則亦是不義
之事遂出給厥妓曰吾特念汝輩之將死暫此出給
現身後須卽率來也厥輩歡天喜地百拜致謝曰上
德如天殘喘得保一番現身之後何敢不率來乎遂
將此妓現身于御史御史大喜見之則果是絕代妙
色也遂下吏奴輩屏退左右圍繞大屏風於大廳之
中携厥妓入于其爛熳作戲雲雨既畢命入肩輿而
使某妓隨後直向京試官下處而以扇遮面直至廳
上下輿字呼其友曰今果何如吾果快勝矣京試官

雖聞御史之出道實不知御史之為何人而李台則
自家下來時入直玉堂也今日之行尤是不意今者
料外逢着喫了一驚且念其妓之先着已讓一頭尤
不勝憤痛面色如土幾乎氣絕云蓋自上亦聞李台
與某友相约之事故於京試官下直之日特遣繡衣
俾得以爭春云

